

اداره ده — بر چوق آتونه لر کچن صاییده  
پشتدی. بر چوقاری ده بو صاییده پیتنور. تورک  
پوردی، نك منتظماً اگر ندریله سن آرزوایدیلیرسه  
آتونه لرینی یگلتمه لرینی رجا ایدرز.

# تورک پوردی

ناشری : تورک پوردی  
مدیری : آق چوره اوغلی یوسف

ییل ۱۳۳۱ صانی ۲۳ ۱۴ کانون ثانی ۱۳۳۱ ییل ۵ جلد ۹ صانی ۱۰۱

تمثيله كلنجه ايسته بوراده بزده تماشانك الك مهم نقصانى - هر زمان اولدينى  
 كې - كوزم چار يوردى: قادين. دارالبدايك ايلك محنه سنده طوبلانان خانلر  
 تماشانك الك سچمه مثلله لرى اولمقله برابر ينه چوق قصورلى ايديلر .  
 ايجلر نده تلفظ اعتباريله قولاقارك عصيانى دعوت ايمه ين هيچ كيمسه يوقدى .  
 كوزم توركجه ، قادينلر مذك دوداقلر ندىن الك نازك وانجه آهنگلى آلاق  
 قانادلانان سويلى ديل ... اوني يهوده آرايوردق . الك مهم محنه لرك الك مهمه  
 خطا بلر نده جمله لر آراسندن سيوريه رك كنديسنى كوسترمن بر تلفظ خطاسى  
 بوتون تاثيرى برضربه ده ازوب يتيرمن برشى اولويوردى . وبو حال بر دفعه  
 داها تورك محنه سنك قادينسز ياشاماسنده كى امكانسز لنى اثبات ايدى يوردى . بو  
 اختيارسز قصورلى بر طرفه براقيلرسه ممثل خانلر وظيفه لرىنى اى ايفالايتديلر .  
 مثاللر ده كوچوك بعض حركت و جهيه و اطوار خطا ريله برابر مدحه لايق  
 بر موفقيت كوسترديلر .

حاصلى باشلار كن ده سويله ديكمز كې بوايلك تمثيل دارالبدايك - استقبالده  
 كنديسندن برشى بگله نيله بيله جكنى اثبات ايدمن - بر موفقيتى اولدى . بزبر تماشا  
 مفتونى وتورك عالمنك مدنى آديملرى سنك چوغلماسى و چابوقلاشماسى طرفدارى  
 صفيله بوموفقيتى آقيدشلار و داها بويوكارىنى ديلر و بكلكرز .

ج . س .

X

اقتصاديات

### برلين - استانبول يولى

برلين - استانبول يولى ودها دوعروسى برلين - بغداد يولى مسئله سى بزم  
 ايجون يكي برشى كورونيور . برچوقار مزاونى محاربه حاضره نك طبيعى نتيجه لرندن  
 برسى عدايدرلر . حالبوكه آلمانلر ايجون بويك اسكى بر مسئله در . مشهور فرم دريق

لیست آلمانیا ایچون ملی اقتصاد اساسلری قورارکن ال اول بومسئله یی نظر  
اعتباره آلمشدر. ایجابات سیاسی آلمانیا ایچون بوغایه نك موقع تطبیقه وضعی تأخره  
اوغراتدی ایسه ده هیچ بروقت آلمان اقتصاد یوننك نظردقندن دور قالمشدر،  
آلمانیا حکومتی ده برچارلیک عصر دن بری فرصت دوشدکجه بوغایه ده دوغرو  
آدیم آتمقدن خالی قالمشدر .

حال بوکه بزبوکونه قدر زمان ایجاباتی اولارق بک غریب برحیات کیردیکنز  
ایچون هنوز بوخصوصده قطعی برغایه تعیین ایدم مدک. اقتصادیات عالمه بیگانه  
قالدی. بوکی مسائلک اهمیتنی تقدیر ایدم مدک . بوکون ایسه بزده مرصوصده  
اتباء وقوع بولدی . نه ایسته دیکمزی ، نه ده دوغرو یورویه جکمز بر درجه یه  
قدر بیلیرز. فقط حال حاضر ایجاباتنه کوره حرکت ایچون حاضر بولند یغمزی،  
بک یقین بر زمانده حل وتسویه ایدم جکمز اقتصادی مسئله لرده ده شیمیدین  
وقوف تام صاحبی اولدیغمزی ادا ایدم میز .

بر قاج کون اول بک بارلاق و مطمئن بر صورتده رسم کشادینی اجرا  
ایتدیکنز بالقافی سرعت قطارینک اهمیتنی هیمز عینی درجه ده تقدیر ایتیمورز.  
بعضلریمز بو حادثه ده صربستان حکومتنک اورته دن قالماسنی، بر جوقلریمز ایسه  
حرب ائناسنده لوازم عسکریه واحتیاجات ملکیه مزک تضییقدن قورتولماسنی  
کورویور . حال بوکه بو حادثه بونک قات قات فوقده علوی بر معنای محتویدر .  
و آلمان ارباب اختصاصی آنجق بومعنای کوز اوکنده بولندوریورلر .  
برلین - بغداد یولی کرک آلمانیا و کرک تورکیا ایچون دولتک سیاست عمومیه سی  
بالجمله آمال و مقاصدینی خلاصه ایدن بر بروغرام ، بر دستور العملدر .

مدنی بر آدم یالکنز باشنه یا شامیا یا جفی ، دائما همجنسنک سی و عملنه محتاج  
بولندیفی کی متمدن بر ملت ده هیچ بر وقت یالکنز باشنه مستقل برحیات  
کچیره منز ، هر وقت ملل سائرته نک سی و عملندن استفاده ایتکه مجبوردر . بر  
منطقه ده یتیشن محصولار دیگر منطقه یه کیدر ، بر مملکت اهالینک ال هنری  
وامکیله میدان چقان مصنوعات دیگر مملکتده صرف اولتور. دنیا قورولالیدن

بری انسانلر بویله کچینمشلر و مدنیت ایلریله دکجه ملتار و مملکتلر آراسینده مناسبتلر، تماسلر، علاقهلر چوغالمشدر . هیچ شبهه یوق که ایلریده آرتدجه آرتا جقدر. اولنک ایچون آتینسی تأمین ایتک ایسته یین ملت اک اول بو یین الملل مناسباتک انتظام و مکملیتنی نظر اعتباره آملالیدر. بوکاده موفق اولق ایچون منابع اقتصادی سنی، ثروت ملیه سنی اک ایی صورتده قوللانمق ایجاب ایتدیکی کبی سائر مملکتلرله محصولات و مصنوعات مبادله ایتک ایچون اک موافق وسائط نقلیه واک الیریشلی شرائط سیاسییه یی تأمین ایتک لازم کلیر .

آلمانلر ۱۸۷۰ محاربه سندن سوکره بوتون قوتلرینی ملی اقتصادک تعالیسی اوغورینه صرف ایتکله باشلامشدر و بو سایه ده زراعتده، تجارتده و بالخاصه صنایعده اک برنجی موقی اشغاله موفق اولمشلردر . اولرده انتظام حسی، جمعیت فکری، تشکیلات دهاسی واز جمله ملی حیثیت حاکم مطلق اولدیغی ایچون مملکت وملتک منابع ثروتی اک مکمل صورتده استعمال ایتک خصوصنده هیچ مشکلاته دوچار اولمامشدر، فقط خارجه تماس و مناسبتنی تأمین ایتک خصوصنده یک بویوک مشکلاته معروض قالمشلردر .

معلوم اولدیغی وجهله یین الملل مبادلات ایچون اک مهم اساس مناقلات بحریه در . حالبوکه بوخصوصده آلمانیا ناک موقی یک مشکلدی . وضعیت جغرافییه سی اعتباریه وقت وزمانیه ده کزلره حاکم اولامامشدی . انکلتراه، وضعیت جغرافییه سی مساعد اولدیغی ایچون، بحریه سی واسطه سیله اقطارجهانده یایراغنی کزدیرمش، مصنوعاتی آفریقاناک اک هجری کوشه لرینه قدر صوقمش، انکلیز اولیان یوزلرجه میلیون اهلینک سنی و عملدن اک فیاض، اک منبت طوبراقلرک محصوللرندن استفاده ایتک یولنی بولش و بو سایه ده مدھش برثروت طوبلامغه موفق اولمشدر . انکشاف اقتصادی نتیجه سنده آلمانلر فابریقالری ایچون مواد ابتدائییه، فابریقالرک مصنوعاتی ایچون مخرجار آرامغه مجبور اولنجه اک اول حاکمیت بحریه مسئله سی قارشیسینده بولمشلر . بوندن ماعدا انکلتراه یک جوق زمان اول طاوورانیدیغی ایچون اک الیریشلی، الکفانده بخش یرلری چوقدن بری

تحت اشغالنه آلمشدى . اونك ايچون آلمانيا حربى و تجارى بحريه سنى ممكن درجه ده ايلريله تمكه برابرى بحريه ايله هنوز انكليز بجه سندن مصون قالان شرق قرييه دوغرو انكشاف ايتك غايه سنى ده تعقيب ايتمكه باشلامشدر . ايته برلين - بغداد مسئله سى بوضورتله وجوده كلش ياواش ياواش آلمانيا نك نخبه امالى اولمشدر .

محاربه حاضره نك تجليات غريبه سى بومسئله نك اهميتى قات قات آرتيرمشدر . وسطى اوروپا دولتلى ايچون محاربه نك بدايتندن برى طرق بحريه تماميله قابائمش ، بوضورتله اونلر ايچون كامين ، الك صاغلام واسطه مواصله طرق بريه دن عبارت اولدينى تحق ايتمشدر . آلمان اقتصاديونى دها شمديدن برلين - بغداد يولى كذكر كاخنده بولنال ممالك ايله اقتصادى بر اتحاد وجوده كتيرمك مسئله سيله اوغراشيورلر .

تكميل آلب

يكي واسكى انزلر

دېروانه لغات انترك . — بشنچى عصر هجرى عالمى لوندن اولان محمود بن حسين الكاشغرى طرفندن تاليف اولنان بوبويوك قيمتدار كتابك بر تك غير مطبوع نسخه سى موجود اولوب ، على اميرى افندي نك كتيخانه سنده بولونيوردى . اخيرا « انجمن تدقيق » اعضالى طرفندن نسيب و تقدیر اولوناراق اوچ جلدده تقسيم ايدیلدی و ۳۴۶ بويوك صحيفه دن عبارت اولان برنجى جلدی « مطبعة عامره » ده باصیلوب انتشار ایتدی . معارف نظارت جلدیه نك هميله باصديريلش اولوب ، باصیلیشى كوزل و كاغدى ايدير . اسكى ديليمزه عائد بويوله وثيقه لره غایت محتاج بر حالده كچيرمكده اولديغىز « تشكلى دورى » و استقبالىزده تحق قلعى اولان « مى حرث » و « مى برلك » دورملرى